

135. fundur

Skólanefndar Tónlistarskóla Stykkishólms haldinn 27. maí 2010 kl. 16:10 á skrifstofu skólastjóra.

Dagskrá:

1. Skýrsla skólastjóra
2. Önnur mál

Mætt voru: Elísabet L. Björgvinsdóttir, formaður, Daði Jóhannesson og Jóhanna Guðmundsdóttir, skólastjóri. Sigurborg Sturludóttir boðaði veikindaförföll og varamaður fékkst ekki.

1. Skólaslit voru 13. maí að undangengnu hefðbundnu tónleikahaldi.

Hafsteinn Sigurðsson var kvaddur eftir áratuga starf við skólann, en hann hóf fyrst störf árið 1976.

Skólanefnd þakkar Hafsteini fyrir farsælt starf við kennslu og hans þátt við mótun metnaðarfulls skólastarfs. Og óskar honum farsældar á nýjum vettvangi.

21 nemandi tók stigspróf á hljóðfæri, 8 tóku 1. stig, 4 tóku 2. stig, 7 tóku grunnpróf og 2 tóku miðpróf. 24 tóku á árinu tónfræðiprófsstig. 9 tóku 1. stig, 7 tóku 2. stig, 2 tóku 3. stig og fullgildu þar með grunnprófin sín, 6 tóku 4. stig og flest þeirra stefna á samrænt miðpróf næsta vor.

Rætt var um þá stöðu sem skapast þegar nemendur hefja nám í framhaldskólum fjarri heimabyggð og hyggjast stunda tónlistarnám þar. Mikilvægt er að finna lausn á greiðslufyrirkomulaginu svo ekki þurfi að flytja lögheimili barnanna frá foreldrum.

Næsta skólaár:

Jóhanna kynnti drög að skóladagatali næsta skólaárs sem gert var upp úr samráðsfundi skólastjóranna, og breytingar sem mögulega gætu orðið á dagatali grunnskólans.

Nefndin telur brýnt að skólastjórarnir samræmi plön um starfsdaga. Jóhanna leggur til að skólaárið 2010-11 verði 35 vikur, eins og þetta ár. Nefndin setur sig ekki upp á móti því.

Stefnt er að því næsta skólaár að koma nokkrum nemendum í gegnum fullgilt framhaldspróf, sem kallar á a.m.k. 3 tíma til viðbótar í tónfræðagrein, m.v. það sem var í vetur. Skoða þarf stöðuna þegar allar umsóknir liggja fyrir. Ekki hefur enn verið gengið frá ráðningu trúblásturskennara en verið að vinna í málinu.

Fyrir liggur að báðir píanókennararnir fari í feðraorlof á næstunni. Martin Markvöll hefur samið við Hjálmar Sigurbjörnsson um að leysa sig af 1 ár í viðbót, ríki sátt um þá ráðstöfun.

Gjaldskrá fyrir næsta skólaár hefur verið sett á heimasíðuna, og nú er hægt að sækja um skólavist rafrænt á síðunni. Jóhanna benti á að ástand skólahúsnæðisins væri farið að kalla á gagnert viðhald, s.s. vegna rafmagns- og vatns, skólps og margt fleira.

Keypt hefur verið rakatæki í salinn sem vernda á flygilinn.

2. Skólastjóri þakkaði nefndinni fyrir afburða gott og skemmtilegt samstarf á kjörtímabilinu. Formaður þakkaði skólastjóra fyrir hönd nefndarinnar fyrir hnökralaust og ánægjulegt samstarf og nefndarmönnum samstarfið.

Fleira ekki gert og fundi slitið 17:40.